



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

9 հուլիսի 2026 թվականի N 1010 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2020 ԹՎԱԿԱՆԻ  
ԴԵԿՏԵՄԲԵՐԻ 3-Ի N 1994-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

---

Ղեկավարվելով «Նորմատիվ իրավական ակտերի մասին» օրենքի 33-րդ հոդվածի 1-ին և 3-րդ մասերով, 34-րդ հոդվածի 1-ին մասով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2020 թվականի դեկտեմբերի 3-ի «Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներ իրականացնող կազմակերպություններ և անհատ ձեռնարկատերեր ընտրելու մրցույթ անցկացնելու կարգը հաստատելու, Հայաստանի Հանրապետության կառավարության 2001 թվականի օգոստոսի 16-ի N 762 և 2007 թվականի հունիսի 21-ի N 819-Ն որոշումներն ուժը կորցրած ճանաչելու մասին» N 1994-Ն որոշմամբ հաստատված հավելվածում կատարել հետևյալ փոփոխությունները և լրացումները՝

1) 14-րդ կետի 1-ին ենթակետում «երթուղիներում ընդհանուր քանակի առնվազն 10 տոկոսի չափով» բառերը փոխարինել «երեք և ավելի ավտոբուս ունեցող երթուղիներում յուրաքանչյուր երեք ավտոբուսից մեկի չափով» բառերով .

2) 24-րդ կետը «հազեցած լինեն» բառերից հետո լրացնել «օդորակիչով, » բառով.

3) 39-րդ կետի 2-րդ և 3-րդ ենթակետերը շարադրել հետևյալ խմբագրությամբ՝

«2) 6-10-րդ սյունակներում գնահատականն ըստ ավտոբուսի պատկանելիության իրավունքի, թողարկման տարեթվի, արտաքին տեսքի, ուղևորասրահի և վառելիքի տեսակի չափանիշների.

3) 11-րդ սյունակում՝ ավտոբուսների ընդհանուր գնահատականը, որը ձևավորվում է 6-10-րդ սյունակների գնահատականների գումարից:».

4) ուժը կորցրած ճանաչել 41-րդ կետով սահմանված ավտոբուսների գնահատման չափորոշիչների 1-ին կետի 5-րդ ենթակետը և 42-րդ կետը.

5) 46-րդ կետում «14 օրվա ընթացքում սույն կարգի» բառերը փոխարինել «30 օրվա ընթացքում սույն կարգի 12-րդ կետի» բառերով.

6) 65-րդ կետը շարադրել հետևյալ խմբագրությամբ՝

«65. Մրցույթը հաղթող կազմակերպության՝ երթուղին սպասարկելու իրավունքից հրաժարվելու կամ այդ իրավունքից նրան զրկելու դեպքում վաղաժամկետ լուծվում է նրա հետ կնքված ժամանակացույցը և սպասարկման պայմանագիրը և հայտարարվում է նոր մրցույթ՝ բացառությամբ 83.1-ին կետով սահմանված դեպքի: Մրցույթը հաղթող կազմակերպությունը սույն կարգով սահմանված պահանջները չկատարելու հիմքով երթուղային ցանցը կազմակերպող մարմնի կողմից երթուղու սպասարկման իրավունքից զրկվելու դեպքում 2 (երկու) տարի ժամկետով զրկվում է ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներ իրականացնելու համար հայտարարված մրցույթներին մասնակցելու իրավունքից:».

7) 65-րդ կետից հետո լրացնել հետևյալ բովանդակությամբ նոր՝ 65.1-ին կետով.

«65.1. Սույն կարգի 65-րդ կետով նախատեսված ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներ իրականացնելու համար հայտարարված մրցույթներին մասնակցելու իրավունքից զրկված կազմակերպությունների մասին տեղեկատվությունը, որն ընդգրկում է կազմակերպության ամբողջական անվանումը, հարկ վճարողի հաշվառման համարը, իրավունքից զրկման ամսաթիվը (համապատասխան իրավական ակտի ուժի մեջ

մտնելու ամսաթիվը) և մրցույթներին մասնակցելու իրավունքից զրկված լինելու ժամկետը, հրապարակվում է լիազոր մարմնի պաշտոնական կայքէջում իրավունքից զրկելու իրավական ակտի հրապարակման հետ միաժամանակ:».

8) 69-րդ կետում «մինչև նոր մրցույթի անցկացնելն ու դրա արդյունքներն ամփոփելը» բառերը փոխարինել «մինչև նոր մրցույթի անցկացնելն ու դրա արդյունքում հաղթող ճանաչված կազմակերպության հետ սպասարկման պայմանագիր կնքելը» բառերով.

9) 83-րդ կետի 1-ին ենթակետը «ավտորուսները» բառից հետո լրացնել «, եթե կազմակերպությունը մասնակցել է մրցույթին սույն կարգի 22-րդ կետով սահմանված պայմանով» բառերով, իսկ 2-րդ ենթակետի վերջում վերջակետը փոխարինել միջակետով.

10) 83-րդ կետը լրացնել հետևյալ բովանդակությամբ 3-րդ ենթակետով՝

«3) սույն կարգի 64.1-ին կետով սահմանված ժամանակացույցը երթուղային ցանցը կազմակերպող մարմնի հետ կնքելու օրվանից 60 օրացուցային օրվա ընթացքում նրան ներկայացնել ավտորուսներ արտադրող գործարանի կամ նրա պաշտոնական ներկայացուցչի հետ կնքած ավտորուսների մատակարարման ժամկետները, տեխնիկական բնութագրերը և վճարման պայմանները սահմանող պայմանագրով նախատեսված վճարման պահանջի կատարման վերաբերյալ տեղեկատվություն:».

11) N 5.1 ձևի աղյուսակը շարադրել հետևյալ խմբագրությամբ.

«Ավտորուսի						Գնահատականը՝ ըստ					
NN ը/կ	մակնիշը	հաշվառման համարանիշը	դեղին հիմնագույնի համարանիշը (առկայության դեպքում)	նույնացման համարը	նստատե- ղերի թիվը	պատկանե- լիության իրավունքի	արտադրման տարեթվի	արտաքին տեսքի	նողորա- սրահի	վառելիքի տեսակի	ընդհա- նուր
	1	2	3	4	5	6	7	8	9	10	11
Կազմակերպության անվանումը կամ անհատ ձեռնարկատիրոջ անունը, ազգանունը											
Երթուղու անվանումը և համարը կամ միասնական երթուղային ցանցի անվանումը											

».

12) N 12 ձևում «գինը սահմանող փաստաթուղթ» բառերը փոխարինել «վճարման պայմանները սահմանող պայմանագրի պատճենը» բառերով:

2. Սույն որոշումն ուժի մեջ է մտնում պաշտոնական հրապարակման օրվան հաջորդող երեսուներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Ն. ՓԱՇԻՆՅԱՆ

Երևան